

Salisburgensis Episcopatus.

Regio & unde
dicta.

Solifertilitas.

Imperium ma-
jorum.

Urbs Salisbur-
gum.

Salisburgensis Episcopatus ab urbe Metropolitana Saltzburgo nomen habet. Franciscus Irenicus ex quin-
que Episcopatibus Bavariz hunc primum vocat. Hujus territorium omnis generis Metallorum dives
est, Auri, Argenti, Aeris & Ferri. Reperitur hic quoque Vitriolum, Sulphur, Alumen & Antimonium.
Sunt quoque Marmoris Lapidicina. Plana loca etiam confectionibus, agris, Frumentoque apta. In Mon-
tibus frequentia quoque aucupia, ac Ferarum venatio. Salisburgenses Præsules nominat Munsterus LVIII;
ultimum Ernestum Comitem Palatinum Rheni, Bavariz Ducem, Alberti & Kunegundis Friderici Imperatoris
Filiz Prolem. Porro sedes ista sub Arnone x Ecclesie hujus Antistite Archiepiscopatus titulo insignita est a
Leone III. Habetque sub se Suffraganeos Episcopos, Tridentinum, Pataviensem, Viennensem, Gurcensem, Bri-
xiensem, Frisingensem, Seccoviensem, Laventiniensem, & Chyemensem. Metropolis est Saltzburgum vel Salisburgum, vul-
go Saltzburg, quod nomen a Saltzach fluvio accepisse creditur: quanquam alii a Sale quod in ejus vicinia eco-
ditur, Saltzburg dici autumant. Juvantia vel Juvavia, vel Juvavium, olim dictum fuit a juvando, Germanice
Helffenburg, quod Castrum ibi exstruxerit Iulius Cæsar, juvamen seu subsidium ac refugium Legionibus suis
contra Germanos quos debellatus erat. Traduntur namque Romani cecidisse Germanorum 3400000, ac
1500000 in captivitatem duxisse. Alii nomen Juvavia a Juvavio cognomini & adjacente fluvio obtinuisse cre-
dunt. Dicitur & Juvense Castrum in lib. Notit. ut Pighius docet in Hercule Prodicio. Aventinus adserit ex ve-
teribus diplomatis ostendi Padicum Ptolemæi esse, pagumque ibidem adhuc nomen servare. Franciscus vero
Irenicus scribit Gamanodurum, aut Badacum Ptolemæi esse: cui & Volaterranus adstipulatur. Juvavia me-
minit Antonini Itinerarium. Sed Helffenberg vocabulum vetustius esse Juvavia; putat Gaspar Bruschi: atque ex
eo Juvavia factum, quod idem significat. Pighius scribit, in hujus urbis templo se legisse hos versiculos:

Tunc Hadriana vetus, quæ post Juvavia dicta,

Rudberti sedes, qui fidem contulit illis

Præsidialis erat Noricis, & Episcopo digna

Christi, quam retinet, Saltzburgum sero vocata.

Rupertus enim vel Rudpertus Episcopus Wormaciensis ex Regia Francorum stirpe ortus, cum post Regis
Childeberti obitum a sede sua pulsus esset, circa annum Salutis 1011, ad Theodonem Ducem Bavariz Ra-
tisbonam venit, eum instruxit, & baptisavit, ejusque nutu Noricum peragrans multos convertit & Chri-
sto dicavit. Incidens autem in ruinas desolatas veteris Juvavie Locum Episcopatus idoneum, Basi-
licam ibi in honorem S. Petri construxit, Monasterium Ordinis S. Benedicti adjecit, rexitque ibi Episcopalem
Ecclesiam annis XLV, mortuus anno D. 1011. Urbs hæc in mediis Alpibus situm habet: decenti Mu-
rorum ambitu, Turribus & Propugnaculis, tam publicis quam privatis ædificiis cultissima: Regia quondam
Sedes ac Domicilium, quando & superbissima ex Marmorum Fanorum structura præ cateris caput extulit urbi-
bus. Maxima fluminis situsque oportunitas hoc præstitit. Nunc etiam Archiepiscopali dignitate inclarescit,
qui